

la VÔS dai FURLANS

Ai 6 di Dicembar dal 2024 / n. 48 - Setemanâl di gnovis e ideis

La vôs de Svuizare e je furlane



Il gnûf cjâf de agenzie
di informazion
nol dismentee
lis sôs lidris a Porpêt

Croniche - pagine 5



E je tacade la stagjon dai presepi

De mont al mâr
cetantis oparis
leadis al Avent

Culture - pagine 7

Cjant e cine par un fium

Si instiore il progjet par difindî la Tor

Spetacul - pagine 8

Lis animis di Gurize

Une cerce di teatri des lenghis minoritartis

Comunitât - pagine 10

La memorie de fabriche salvade dai siei pensionâts

A Basandjele
la storie des Oru
fate no dome di lavôr



Dirêtôr responsabil: Rossano Cattivello - Redazione: Via Nazionale, 120 Tavagnè - Tel. 0432 21922 - Spedizione per posta con Poste Italiane SpA AUT. N° CN-NL/00164/02.2024
Pubblicità incassata dal 45% D.L. 355/2003 (conv. in L.27/02/2004 n. 45) art.1 comma 2, DCB Udine - Il prezz di vendita al è di 1,50 euros

Un siôr program pal Avent

Cetantis lûs di Nadâl a àn za cambiât il centri dal cumierç Città Fiera, fûr di Udin, vie pal Avent. La place dentri dal Show Rondò si è vistude di ros, cuntun siôr arbul e un 'borc' pront a braçolâ la int cuntune lungje liste di apontaments a gratis par dut il mès di Dicembar.

Grove di chest an e je la presince de associazion Ludotech che e inmanee doi laboratoris par vicinâ i fruts al coding (tecnologjîs digjitâls) travers il zûc. In plui, Miky Ritratti Manga ju scuellarà sui dissens par insiorâ a fieste lis lôr cjasis. Biele schirie di concerti di Gospel: ai 7 di Dicembar il côr "Spiritual Ensemble" e ai 21 di Dicembar "Colori & Musica". Al sierarà il program lunis ai 23 Dicembar il concerti dai mestri Alessandro Pozzetto cui còrs "Saint Lucy Gospel Choir" e "Sand of Gospel".



La place dal Show Rondò vistude di Nadâl

Ai 8 e ai 22 di Dicembar la Filarmoniche "Mattiussi" di Dartigne e puatarà la sô "Christmas Band" intes galariis dal centri dal cumierç.

Avent ancje di teatri, cu la compagnie Anà-Thema, che e à a pene viert chenti un so atelier e che joibe ai 12 di Dicembar e metarà in sene il spettacul "Lo Schiaccianoci".

Dai 8 di Dicembar fin a Zenâr, tal prin plan si pues viodi la mostre "100 Presepi", cun oparis puartadis di scuelis e associazions, che a puedin jessi fatiss ancje cui modonuts.

Insom, nol podeve mancjâ Barbe Nadâl, che chest an al à la muse di Gianni, un nono in pension che al passe il timp cui frutins, scoltant ce che a àn voie di cjatâ sot l'arbul, cussì di cjapâ sù bêcs pe Associazion gjenitôrs dai malâts di fiât e cancars (Agmen).